

隆昌縣志卷二十八

人物

山吐蓮而結樓峯水遶郭而潨鵝洞靈秀所鍾代有偉人特建置肇於明季其中名臣理學長德鉅人往往散紀於他志如文淵之奇才人儀之善政固已輝光史冊矣方今

聖朝重熙累洽久道化成所以栽培而獎擢之者有加靡已是以百餘年來以勲業文章著者不乏其人爰著其姓氏以備觀覽焉志人物

隆昌縣志

卷二十八

人物

一

名臣

明郭廉字永明永樂己丑進士勅授監察御史正色立朝風采凜凜督雲南銀厰廉明有聲人不敢干以私中官有謀害廉者事覺自裁廉上章疏同謀者歷尙書諫北征詞甚剴切聲聞中外文祖崩後中官謀中傷之卽三上章乞休及歸杜門不出有中貴至邑誅求太甚廉束帶見之旣退中貴曰郭公在此遂斂跡去平生剛介以勤儉勵子孫家法嚴肅卒年九十八歲崇祀鄉賢祠

晏 鐸字振之鄉舉入國學祭酒胡儼重之選入內閣讀書永樂戊戌登第選翰林庶吉士改御史巡按兩直隸山東所至有聲坐言事謫上高典史興學校抑豪奸隣境寇發官兵不能制鐸承檄擒捕之歸所掠者於民境內遂安增註孝經小學周易參同契解陰符經并著青雲集等書與湯允勣蘇平蘇正沈愚王淮鄒亮蔣忠王貞慶劉溥號景泰十才子事詳見明史

郭元柱字直甫號朝石萬歷丁丑進士歷任南禮部員外郎轉兵部郎中授陝西關南道雲南洱海道布政使參議居家孝友立朝清直一以巡按永明祖爲法初爲南祠部轉北武庫郎革除收放舊弊分巡關南捐俸各屬置社倉穀復修鐵樁堰漑田數萬畝

熊應占萬歷壬辰進士初授主事歷官至陝西左布政司宦遊二十餘載操守清嚴及歸里囊橐蕭然有秦蜀有名窮布政之譽陝蕃告休清庫羨十餘萬兩另封一處曰遇歲饑可以代完正項後官

送至家不受其清介如此

劉時俊字勿所萬歷戊戌進士授廬江令調桐城
吳江捐俸築平望隄八十里防水患人呼劉公堤
立祠奉祀擢刑科給事進階大僕寺少卿歸里天
啓元年蜀永奢叛重慶命贊畫川湖雲貴軍務募
兵助練復重慶爲讒者所抑上疏辨雪加兵部侍
郎崇禎二年贈兵部尙書予恩廕著居官冰鏡大
易統要治安文獻等書子潛泌皆英雋崇祀富榮
隆三邑鄉賢祠

隆昌縣志

卷二十八

人物

三

宦業

宋李文淵英宗治平乙巳進士授宣德郎至朝議大
夫蔡京奇其才欲用謝病歸

明劉 本字原之天順丁丑進士歷官刑部郎中貴
州按察司副使進階都察院右僉都御史性醇厚
風采卓犖里居時叙州守陸淵之文章政事有盛
名舉鄉飲酒禮特賓禮焉

李人儀景泰辛未進士天順中任御史偕同官張
鵬盛顒等十三人因星變上言劾石亨曹吉祥怙

寵專橫疏入帝大怒御文華殿收人儀及諸御史
下獄榜掠備至詰主使者儀等無所論遣戍已而
廷議俱調外任人儀知襄陽有治行憲宗卽位所
司以治行聞帝曰諸臣直諫爲權倖所排又能稱
職其悉予郡於是人儀守荊州皆特賜封誥見明史
唐可封字堯臣隆慶戊辰進士督學東粵士人戴
之

唐登儁字均洲可封之子萬歷丙辰進士任高淳
令歷官河南湖廣道參政山陝驛傳道甘肅疫起

隆昌縣志

卷二十八

人物

四

死者枕藉登儁悉收掩之衆建祠奉祀

郭繼芳字毓華郭元柱子稟承家學博涉書史尤
精毛詩萬歷壬午舉人知和州歷官曲靖守雲南
按察副使有惠政

郭時亮萬歷乙卯舉人授貴州平安道參政恬澹
寡欲一介不苟莅任三年一以清靜爲理士民安
之會郎岱生夷蠢動時亮親往開誠撫諭遂寢其
謀事見貴州通志

江騰龍由湖廣蘄水入隆昌籍崇禎庚辰武進士

授羽林左侍衛宣諭雲南黔寧王沐澄時流寇充斥道路多梗逾年方到滇措置咸宜貴州叛討平之以老乞休優游林下垂三十餘年精醫術樂施與年八十五卒先期召集故舊語以謝世日月屆期口占一絕句無疾而逝

彭巖字威崖省志誤名巖崇禎壬午舉人官貴州思南府同知後以事罷職時流寇四訶國事日棘巖部伍鄉兵却賊制詞有云不敢一去先民顧在武城曾子之位繼能通宵走敵庶保雲中廉范

隆昌縣志

卷二十八

人物

五

之城又云夾漈流民之繪膏澤猶承次山軍吏之詩性情可見嗚呼足以知其概矣

劉潛字用潛時俊長子崇禎辛未進士歷任婺源上海令明允果斷潔己愛民壯年謝事歸時論高之

劉泌字晉仲崇禎丙子解元授南京兵部職方司王事歷大理寺卿晉皆總督五省軍務兵部右侍郎兼都察院右僉階御史崎嶇危難卒於永昌泌學究天人博涉朱子百家著有蜀省全圖劉子

長菴旅嘯等集其妻尹氏紉蘭工詩夜坐吟云漠
漠長空似水清金波淨滑月輕盈微風半夜添衣
冷弱柳千枝帶露明滿院春容鎖不住一番花信
爲誰驚沉吟永夕愁無緒金鴨寒窓畫竹橫又昨
晴云雲卷山才霽平江一段清孤光時隱現淡淡
遠烟橫其繼室朱懷瓊亦工詩作塞下曲云飛沙
煙霧裏鼓角聲未休殺氣一輪苦羈心萬里愁迢
遙邊地濶寂寞北庭秋戍火連星密孤生感白頭
又落花云風雨移春遠殘紅歷亂飛忍添遊客淚

隆昌縣志

卷二十八

人物

六

來點異鄉衣林表鵲頻促簾前柳若依餘香間裏
盡歛恨向晴暉

劉 蒞字汝馨號文季才高學博弱冠避兵走黔
丁亥取明經任柳州府推官尋遷工部主事改翰
林編修時孫可望據黔求封秦王蒞加兵諫往僅
封異王可望怒置之沅州幽囚六載會守將楊國
棟見殺蒞奔滇遷侍讀後安插澂江大僚每特席
賓禮鄉子弟多從其教乞歸葬親自父母兄弟妻
子及本宗死於賊難者掩十有餘塚子大文大武

著有愛蓮軒烏私泣等集行世

皇清郭于蕃字偉仲康熙丁卯舉人司訓丹稜丁丑成進士改庶吉士出爲廣東饒平令賦性剛方有智略居詞館時有語以私謁可致通顯笑謝之及宰饒鋤强暴植善良利興害除一以撫綏爲本上官嘉其廉能不稍阿惠潮道某嫉蕃不附己緣事陷蕃蕃揭之於朝事白某畏法自盡蕃亦落職潮人惜之立祠祀焉著有敦厚堂詩集行世

郭 垣字千三康熙甲午舉人初任巴州學正選

隆昌縣志

卷二十八

人物

七

夔州教授其在巴也嘗以疑案脫王生於獄時有僧以孔子像同佛老並祀者垣謂三教不並祀禮也卽令移其像其在夔也值丁祭太守及署令公出供祭不虔牲用牝垣云祭用牝非制也叱吏更之太守聞而是之其生平守正不阿類如此

彭 湜字文瀾雍正乙卯拔貢中本科舉人授直隸武強令乾隆二十四年河水決滹沱木橋圯湜爲置渡船親登斷橋相視爲水涸成梁計百餘人從登橋墜水湜溺水底聞百姓譁呼先救我父母

奮躍出遇救獲免時水溢村落需賑甚急湜旋賑旋請制府嘉其有爲二十六年秋水暴至邑被災幾徧請發常平社倉穀放賑不足復請撥隣邑穀四千石又不足請截留天津漕米三千石又請撥通州米六千六百石濟之自十月起先煮粥賑設二敞於東北郊躬爲經理並勸捐棉衣三千件饑民得以蔽體踰年調繁吳橋邑有老黃河藉以洩運河水勢積久河日塞湜請於制府老黃河運河咽喉也咽喉不通則運河泛溢德景諸處必遭水

害得請開濟濬兩越月工告成二十九年解組旋里凡生平舌耕所獲及廉俸所餘悉以公諸同氣毫不自私後由子樞任所歸道卒

熊 臯字鶴鳴乾隆乙酉舉人初任彭縣訓導士林愛戴乾隆乙卯授山東莘縣令留心訓迪邑無刁劣生監治民以寬遇災必親勘至則村民爭相挽車河決承辦開濬三次及川楚軍興出東兵弁經過九年之間每於常例外捐廉補助毫不累民及卒回籍之日士民遮道送之大理寺卿孟

范雲吉諱泰亨篤孝友幼從胞兄宗山先生受業性敏好學十二齡卽遊郡庠旋食餼歷考優等受知於前後各學使文名藉甚顧奇於遇弗售登己酉拔萃科由刑部小京官轉主事鑄力保仁心四字於印章佩之不忘能決大獄堂官重其才判提牢秋審處坐辦遂轉員外郎時以髮逆披猖各督撫應詔薦賢胡文忠曾文正駱文忠皆以公薦曾節相尤重之趣赴大營遂總辦兩江大營糧臺兼管江西牙釐局務以軍務倥偬朝夕從公積勞不

起沒於江西總局識與不識莫不嘆息曾文忠輓以聯云十載舊遊乍合仍離相期共話平吳策千鈞大器將成還毀不忍重談薦禰文後以克復南京曾文忠奏請於朝追贈太僕寺卿蔭一子運鸞以知縣用通政使王拯爲之立傳見藝文

理學

明熊動之幼慧過目成誦年十二補諸生長通五經
尤覃精二戴禮嘉靖丙午舉人守嚴一介不愧屋
漏年四十而卒子文炳繼父志下帷攻苦教子應
占成進士歷贈動之陝西左布政使

郭孝懿字仁仲號峩月憲副繼芳孫懋宏繼子母
卽貞烈楊氏也幼刻苦力學嘗讀書寶林寺倦欲
睡則跪磁石自警博極羣籍治尙書有聲崇禎壬
午副貢富順志作拔貢任貴州威 教諭時賊兵

隆昌縣志

卷二十八

人物

十

犯雲南道經其地孝懿自投於水昏臥七晝夜浮
岸得不死事平家人徧求得之旋遷安化令時多
變故與叔運暄同辭官歸里訂尙書翼註桃源文
集

皇清唐德一字長民雍正丙午舉人除山東平原知縣
賦質端凝坐立不苟喜讀書垂髫卽有神童之目
領鄉薦北上登明通後任平原二載引疾歸里以
講學著書自娛著有仁本堂稿八卷精深古奧幾
入啟禎諸巨公之堂而躋其馘一時人才科第多

出其門

晏 恒字立方乾隆丁卯舉人揀發兩淮鹽大使
幼穎異博覽羣書名成後精研孔孟之旨多所發
明著有崇實堂題解六卷藏家塾中

郭 書字玉麟號瑞庵幼聰穎授書過目成誦乾
隆甲午登賢書三赴禮闈均薦不售家素貧舌耕
江陽爲李明府所推重時吏某坐法畏罪攜千金
求援峻拒之丁卯任廣西興業縣知縣丁艱回籍
囊橐蕭然服闋不復仕主講蓮峯書院二十載成

隆昌縣志

卷二十八

人物

十一

就百數十人卒年七十九歲著有耕餘草二集
李輝斗字玉文號映南一號可菴讀書立品雖盛
暑不脫衣冠座右置功過冊每日自辰至酉必詳
註其言行以自檢歷十餘年弗倦弱冠補弟子員
旋食餼列考皆優等七薦不售家居授徒多所成
就與之遊者莫不崇道義而惜廉恥庚午舉於鄉
辛未聯捷與同榜旭亭耿君爲隆邑開科進士欽
點內閣中書座師相國蔗林董公笙谷曹公得卷
卽奇其才謁見尤欽其品謂足楷模士林以措資

告歸丙子復遊京師補中書逾年以疾卒年四十
有九長子秉檠扶櫬歸里次子秉櫛邑庠生三子
秉樾咸豐壬子亞元

晏紹祖歲貢生字繩武號鶴山進士棻祖父性魯
善悟詩文經史熟讀終身能記肄業錦江爲敬山
長所器重與內邑王六泉邛邑王際梅齊稱一時
之傑惜數奇屢薦弗售嘉慶戊午科主司得卷欣
賞以額滿見遺本房愛其文不忍棄付諸剞劂與
同門文並錄對邑是榜經魁耿旭亭公云此公之

文理法最眞字字錘量而出堪爲諸生模楷晚年
林下優游雖絕意功名猶手不釋卷與子姪孫曾
輩淳淳講說成就功名享八十一壽卒謚文端內
邑李春暄爲之傳

唐必先號槐山賦性渾厚博極羣書學問品行高
人一等以嘉慶辛酉落副車始絕意功名家居授
徒講求實學遊其門者皆分其餘技以去晚年看
書之暇惟以釣遊自娛雖家無擔石晏如也道光
癸未冬邑侯張莘田增修縣志邑紳畢集羣以主

筆推重之人稱理學先生

隆昌縣志

卷二十八 人物

十三

儒林

皇清彭 瑋字昆山以歲貢授射洪訓導早歲貧困紙筆不能給以炭書籜夜則燒松枝映讀遂成通儒造就後學甚衆

郭 英字孔厚歲貢生官昭化訓導教人以孝友爲本弟某早歿撫遺孤授產授室如己子翕然稱長者

唐汝弼字予違邑諸生性穎異受業於胞兄孝廉汝鳳博覽羣籍久戀場屋不獲售晚年勤訓課先

隆昌縣志

卷二十八

人物

十四

以德行教人倣周官六行作家法五則今其族循循有矩範

耿東升字尙高郡庠生幼孤事母以孝聞生平勤學敦品行好善樂施以孫履端貴贈文林郎直隸平谷縣知縣傳見藝文

郭其釧字敬夫號石齋垣季子歲貢生性嗜學受業於宜興儲越漁先生先生深器之嘗語人曰蜀南理學敬夫其人也科歲試屢列優等然數奇鄉試竟七薦不遇官仁壽訓導待諸生恩禮備至士

林咸愛重之性至孝蓋酷類其祖宏毓公云四川主試分宜楊滄石先生爲之傳

程履直字象山號端衢性多穎悟詩文俱有異才自少從彭洞天先生遊深器重之釋齒食餼阨於遇屢薦不售家寒教授生徒不計修脯尤儉約自奉凡得所餽必舍以遺其父母由歲貢任寧遠府越嶲廳訓導卒於官士林皆爲扼腕

彭池字鳳台號梧齋孝友成性長厚待人無累大德尤矜細行尸齋律度之嚴雖溫居不少更易

隆昌縣志

卷二十八

人物

十五

凡鄉里燕會見者咸生畏敬以歲貢官潼川府鹽亭縣訓導及卒其子扶櫬歸家舉祭墳道

郭其仲字亞士邑庠生孝友傳家剛方秉性家居教授生徒數十年足跡不入城市子姪登科食餼者盡出其門

彭鑛字治良父玠以明經司訓長壽動循禮教鑛承家學博涉經史與郭垣同登甲午賢書文譽相孚仕終蓬州學正

彭湛字文洽由富順籍中乾隆丁酉副榜性和

厚篤學貫通經史肄業錦江書院時有書笥之目
教學數十年遊其門者多成名去及卒邑孝廉劉
騰龍爲之傳

熊 準字北鑰歲貢生恬靜好古城市弗履四十
年教士不倦人以長厚稱之弟臯爲之傳

晏承浩字希孟號養齋歲貢生秉性孝友剛正不
阿生平好善樂施勤學立品設教家塾訓子棻成
進士其姪輩及遠方就學諸生入黌門食廩餼列
成均者數十人邑孝廉范泰衡李茂材皆出其門

隆昌縣志

卷二十八

人物

十六

府尊張日昃縣令楊 霈張雲行深重之聘請掌
教蓮峯書院關書屢至堅辭不就其廉介清高如
此卒年六十一歲邑教諭楊大成爲之傳

孔廣其副榜秉性渾厚制行端方官榷爲教諭子
二長昭惇選拔次昭亮舉人父子均精書法

郭 泳字方江舉人垣孫也家貧嗜學閉戶自精
夜深欲睡則引首觸壁以自警性拙書文必堅糊
几席苦誦始熟有得則終身不忘乾隆甲午中第
七名經魁其從弟濼幼穎悟倣兄攻苦文章詩賦

超卓不羣嘉慶辛酉選拔丁卯亞元主講富順榮
昌綿竹三邑書院從學捷南宮領鄉薦貢成均者
不一其人終涪州訓導著有桂軒詩草

鄭國楹字漁溪舉人性孝友博學能文操守清廉
動循禮法官合江訓導宦囊所獲悉分給諸昆季
主講蓮峯書院遊其門者輒飛鳴去著有淡香齋
文稿行世

耿象樞字靜軒歲貢生庠生耿東升子廩生耿炳
侯孫性孝友嗜讀書立身制行剛正不阿族鄰有

爭忿至則一言排解生平好善樂施不事產業惟
以經學傳家子五長履端辛未進士平谷知縣次
履方早逝三履正國學四履聲贛州府照磨五履
信廩生幼慧年十四遊庠食餼列考皆優等屢薦
弗售孫春暄增生曾孫光宣副榜光貞廩生援例
教諭子孫蕃昌先後濟美人稱厚德之報云
郭毓端字立山天資英敏博通羣籍爲文力厚思
沉有春夏氣道光辛巳中第七名經魁
郭毓岡字鳳鳴秉性醇厚勵志讀書登戊子鄉薦

家居授徒不染塵氛每與人言面有赤色咸以長厚稱之終長壽訓導

郭人經字叙五謹厚誠愨孝親友弟人無間言弱冠舉於鄉主講蓮峯書院數載多所成就挑補階州西固州州同捐置翠峯書院聽斷之下進諸生講誦文藝愛士惠民頌聲載道任滿保陞引見卒於途囊橐蕭然聞者悼之著有宦遊草林少穆先生爲之傳

耿 昂拔貢象恒孫美丰儀性和平早歲授書勵

隆昌縣志

卷二十八

人物

十八

志勤苦文章詞賦宏博富麗以書法名一世甫逾冠由選拔朝考欽取授樂山司鐸終任雅安司鐸素輕財不事產業終日惟一卷書相晤對時或染翰揮毫自適己意晚年草書尤神雖隻字人皆珍藏以經學傳家子二光祺光祜後先聯南北榜華陽舉人張澍爲之傳

彭如柏字常青增生性孝友父朝珍最好讀書父歿事兄如父兄怒和言以解丁母艱廬墓三年手不釋卷批點經史丹黃爛如見者知其良工心苦

十二次鄉試屢薦未售品尤端方非公不謁見官
長遇品學兼優之士不勝欣羨每令子姪效法之
與晏養齋同庚同硯復同時進學人稱爲雙璧肄
業錦江書院楊彥青先生見其文器重之尤工書
邑令楊公慰農乞楷錄手製詩二卷以爲珍藏家
素封淡泊自甘平居課讀以身示教循循善誘雖
節臘講解弗輟故造就子姪及孫輩列膠庠者十
人癸卯姪孫達訓登賢書人咸謂勸學之報云

處士

皇清彭 鉞字金相諸生篤志養親與人然諾不苟讀書刻勵子湜能繼其志弱冠舉於鄉有傳

胡世祿邑諸生勤學積行初終不渝

彭 漢字冠泉大貴四世孫邑諸生剛介性成不阿於俗族弟湜宦遊京輔漢佐理數年以清慎勤相勗里居時督修金鵞書院規畫井井不侈不陋無風日寒燠雜傭作中指麾弗倦量材而用之擇善而使之以故費約而葺事甚速嗟夫卽一端可

隆昌縣志

卷二十八

人物

二十

以知其才矣

熊 仞字曰俊庠生熊吉元之父也性謹厚篤於孝友父母兄弟無間言嗜學重行不求聞達家居教授生徒數十年足不履城市子孫之成名者皆本其教親族遊庠者多出其門人以長厚稱之

彭 澍字虛舟號靜溪邑國學生秉性醇厚篤於孝友慷慨仗義不吝施與凡宗族親戚有善讀書者力培植之長子苑林郡庠生次子苑林廩膳生半出庭訓其姪輩姪孫輩遊庠者十數人皆賴玉

成之力現年八十五歲四世同堂猶嚴課諸生不
倦

彭萬鵬字飛九監生稟性剛直守正嫉邪遇貧乏
不能殮殯嫁娶者輒傾貲以助凡市井紛難所至
立爲排解及卒富邑孝廉張鵬翰爲之傳

李允琢幼隨父自楚入蜀性孝友讀書至孟子中
止晚乃篤志典墳研求性理地理命理相理奧妙
立身制行悉遵四子六經之旨嘗述董子以仁愛
人以義正我之言以自警里黨爲贈孝友可風匾

隆昌縣志

卷二十八

人物

二十一

額卒年八十有九孫輝斗辛未進士內閣中書曾
孫秉樾咸豐壬子亞元